


Yesùà wó tε wà lè é na nyúkò

Jésus et l'aveugle



Nouveau Testament

Yesùà wó tε wà lè é na nyúkò

Jésus et l'aveugle

CABTAL
B.P. 16550
Yaoundé
République du Cameroun
E-mail : info@cabtal.org

2011

Langue : baka, parlée dans la Région de l'Est de la République du Cameroun
Code langue ISO 639-3 : bkc


Titre en français : Jésus et l'aveugle
Jean 9.1-38


Cette histoire biblique, conçue pour les lecteurs bakas, a été développée par une équipe de traduction à Ndjibot.

Illustrations bibliques de Jim Padgett, courtoisie de Sweet Publishing, Ft. Worth (Texas) et de Gospel Light, Ventura (Californie) © 1984. *Tous droits réservés.*

Lìkànò a Yesùà wó tε wà lè é na nyúkò.

Yesùà ìo na nòjò tε na ngomà we a Komba. À na nòjò tε na ngomà we a Komba ná koà, a làkpe a yè tε boo, Yesùà á makà tε nòjò mókósè kè lè é nyúkò nè. Mókósè ná wó jùo lé koà, lè é nyúkò.






Wà lèmè Yesùào tε Yesùà pe : « Koboε, nye kè a mεè pe lè é e nyúkò koà nè ? Tε pe é mèèlo sítí e ? »

Yesùà tó pe : « Wópè, é mèèlo sítí de. »


Wà lèmè Yesùào tε Yesùà kina pe : « Tε pe nyì é tε nyí è wó mèèlo sítí è ? »

Yesùà tó pe : « Wópè, wó mèèlo sítí de. E ndé bo kè é mèèlo sítí è. Èe kè é tε makàlà kè lè é nyúkò tε koà nè, e bà manà pe atínì pe Komba á ye na manà pe boo kpéké á ngé. »




Ekò, Yesùà á gò na kótò à sòò wà lè é na nyúkò. Pe é kótò à sòò wà lè é na nyúkò ná kokò nè, á bà ngúsó à tóló. Á likì tε kpé. Á likì, á likì, á likì... A mεè pötö. Á ja, á nyè a là wà lè é a nyúkò. Á nyè, á nyè, á nyè...

É té pe : « Gòe, mó nyè ngo à ngo kë jò nè. Mo ò jè kò ? » « Yíè. »



Wà lè é a nyúkò á go. Á Iemè èe kè Yesùà mònàe pé è. Á nyè ngo à ngo kè Yesùà mònàe pé è. Á nyè ngo. Á nyè, á nyè, á nyè...

Pe é sià, lè é a kuè. Á sià bele kòrpe. Kò ngé Yesùà á goe.



Mókósè kè wèè lè é nyúkò nè, pe bo wó sià lé, wó pe : « Tε pe bo kè òongi lè é nyúkò nè, é kè de kò ? »


Ngé á pò. É tó pe : « Ngaà kè. »

Wá dō na yi é pe : « Nye kè e mèèlε pe là mò e kuè nè è ? »

É tó pe : « Lè bilèo, bo kè wá e é pe Yesùà è, ngé kè é mèèlε pe ma dòto jókò. É nyè tεè tóló te ngúsó á ngé a là lè. É tεè pe : Gòe, mò nyè ngo à ngo kò jò nè. Ekò, ma à nyèè ngo à ngo ná, endè là lè ngo kúè. »

Wó té pe : « Bo ná e akà è ? »


É tó pe : « Ma nyì wode. »



Ekò, wó tó wá gò bite tí bo nà nda a Kombao. Wá e tí bo náó pe, wà Palìsanìo. Ekò, wó tó wá gò, wá gò, wá gò... Wá kòtò bite wà Palìsanìo.

Pe wó kòtò bitó koà, wà Palìsanìo wá yi wà lè é a nyúkò pe : « Nye kè a wòtòe è ? »


É tó pe : « Yesùà kè é dùe pòtò a là lè. Ekò, pe ma go a nyè ngo, là lè a kuè. »



A to paki a wà Palìsanìo kòpé, nòò wá ngomà pe, bo kè é mèèlé koà nè, é bo a Komba ko sikindi. Nòò wá ngomà kina pe, bo kè é mèèlé koà nè, é mèèlé sítí àwa làkpe nà makàlà kè e làkpe a Komba. E làkpe na yè te boo, ndé tie na boò boo.

Nòò wá ngomà kò na ngó ngómà, nòò wá ngomà kò na ngó ngómà, ndé na jè té à paki a ngó. Èe á kè wá pò, wá yi kina te bo kè wèè wà lè é na nyukò nè. Wó té pe : « Ngamò, là mèèlé pe mò sià bele ? Nakà mbì a mókósè wèè ? »

É té pe : « Ma à sià pe bo ná é bo a Komba sikindi. »



A to paki a wà Palìsanò kòpè, nòò wó ndé na lèmè èe kè wà lè é na nyukò á ngomà tó è. Ekò, wá e nyì é te nyí è pe wó dò.

Pe wó dò koà, wá kòtò. Wó tó pe : « Bo kè, te pe e sikindi pe é là a ngi è ? »

Wó tó pe : « É'è, là a nga kò. Nga jùo lé lè é nyukò. »

Wà Palìsanò tó pe : « I manà pe a a mbì kè é màkàè te jòkò è, èe ná kè á sià te bele è. »



Nyì é tó pe : « Bi lèo, ngaà ma à nyì kò pe ma jùo lé lè é nyúkò, ekè makàlà kè á sià bele. Èe kè a wòtòs nè, ma nyì wode. Bo kè á mæèlè té jókò nè, ma nyì é wode. Yíè pe là a lè é kobo de kò ? Tε pe i ndé kpéké na yi é tε èe ná ? »

Nyì é ngé á ngomà tó koà àwa á kpε wà Palìsanì náo pe wó ngo mæè té sítí.

À sidi ná, wà Palìsanìo wá kpo tε boo kènòwó kò nè pe : « Bo kènòwó wá ngomà pe Yesùà é wà boò boo nè, bo náo wó ndé tie a lì kina à nda a Komba. » Ngó wá ngomà tó koà.



Wà Palìsanìo wá ngomà kina tε bo kè wèè lè é nyúkò nè. Wó té pe : « Manà sikindi a mò a là Komba. Nga à nyì makàlà kè pe Yesùà é wà mèè sítí. »


Wà lè é a nyúkò tó pe : « Ngaà ma ndé kpéké na nyì pe bo ná é wà mèè sítí. Ma à nyì kò pe ma wèè là a lè nyúkò, ekè makàlà kè ma à sià bele. »



Wà Palìsanìo wá yi é kina. Wó té pe : « E mèèlé nakà èe pe là mó e kuè ? »

Wà lè é a nyúkò tó pe : « Èe kè ma à manà pe i nè, i ndé na jè àwa nye ? »

Wó té pe : « Nganga nga wà kuno a Mòyisìo. Nga à jè kò èe kè Mòyisì é mànào pe atínì nè. Nga à nyì pe ngé, é bo a Komba. Yesùà ngé, nga nyì é wode. »



Wà lè é a nyúkò tó pe : « Èe á pe ? É kùèle là a lè. Endè ngayi i ndé a nyì pe é bo a Komba. A makà ni te bo kè é te kpéké na mεè te mbì á nè só. Te pe Komba te kpéké na mεè te boo jókò à lonjò bo kè á mεè sítí è ? »

Wà Palisanìo ngó bumá ó nyúkò. Endè, wá dòto kò kò. Yíè pe ngó kè wó móòlo Yesùà de kò ?



Wà lè é a nyúkò ngé á gò. Ekò, Yesùà á dò a kótò bité. Pe Yesùà kótò bité koà, wà lè é a nyúkò á dò na nyì pe Yesùà é wà boò boo kè Komba kànào na kindé nè, ekò.

Lìkànò a Yesùà a mbì kè é kùèlo tε là wà lè é na nyúkò nè, ekò.

E sasa e : Sàa